



Fastnacht 1922



1. In Basel häm-mer rächt vyl Banke,
Ebe-n-emol tuet aini schwanke,
Die solidschti und die beschti Bank
Isch halt doch e Schnitzelbank.
2. Basel isch jetz Grossstadt worde
Me merkt's e-fangs an alle Orte,
Hert e Schugger en Auto pfufte
So tuet er mit em Dume d'Luft verschupfte.
3. Wenn's z'Basel schneit, so kunnt gli d'Polizei
Vor jedem Hus mues g'wischt si, sunscht gäb's e Sauerei,
Bi de schtaatlige Baute me schpart, es het si Zwägg ;
Do goht d'r Schnee so no-di-no, voremsälber gli ewägg.
4. Im Nelkegässle in Milhüse
Do traje d'Mamsel bloie Blüse,
Kumsch in Salong et-cetera
Triffsch immer bikannti Basler a.
5. S'Hoorschnyde isch no zimlig tyr
Aber i main, do ka d'r Gwafför nit derfir,
S'git g'wissi Here, wo sich zelle zue de „noble“
Die löhn sich in Lörrach der Grind abhoble.
6. Uff-em Predigerplatz, das mien er here
Klepft vom g'Schnörr e Wasserrehre,
E besseri Tochter maint, jä so-wie-so
Isch jetz d'r Märtplatz in d'Hoffnig ko.
7. D'r Uff-d'r-Murer gieng au gärn
Mit samt em Dr. Roos nach Bärn,
D'r Schwarzzi Max, dä macht kaim Plätz
Und d'r elektrisch Camille hebt dä Schatz.
8. Uff-em Platzkommando isch's nit suber g'si
Vom Iberschuss kauft sich ain e Kinderwägeli,
Me fahrt vyl Auto, für 3000 Schtai Tram,
Sydigi Junte, cherchez la femme.
9. Bim Schtaat do tuet nie alles klappe
A-Conto will jede isagge,
Uff-em Baudepartemänt, ihr kennets nä wie d'r wänd
Rysst ain im andere d'Arbet us de Händ.
10. M'r hän in Basel nätti Baize
Mit-e-me Dameflor, wo aim sot raize,
S'git Wystube, und dass das zieht
Isch e grossi Uswahl do für's G'miet.
11. Im Grossrot's-Saal do fählt no vyl
Z. B. e Tragbahre und e Kischtli Kyl,
E Sanytetler, aber e guete Jasser,
3 Fläsche Jod und Kelnischwasser.
12. E Vischere us-em bessere Krais
Griegt für s'fein Baseldytsch e 1,
Dräkmensch, Saumensch, o Pardon
D'Schprochlehrere Passe-en-Avant.
13. Am Schtadttheater, s'isch e Grus
Die guete Kinschtler ziehn gly us,
Domit's au ändlig wurd rendiere
Kennt-me emol mi engaschiere.

